



**Skjåk kommune**  
**Plan, samfunn og miljø**

Skjåk Jeger og Fiskarlag

2690 SKJÅK

Att. Pål Eiesar

**Delegert vedtak**

Vår ref  
2013/23/40/K12

Dykkar ref:

Saksbehandlar  
Tor Taraldsrud  
tor.taraldsrud@skjaak.kommune.no

Dato  
05.03.2013

**Saka gjeld: Søknad om transport av innredning og båt til naust ved Leirungsvatnet med snøscooter - Skjåk JFL**

**Saksopplysning:**

Søknaden:

*Skjåk jeger- og fiskarlag søker herved om løyve til å kjøre snøscooter fra hull til leirungsvatnet med diverse innredning til det nye naustet vi har sett opp der. det vil foregå i løpet av mars/april. litt avhengig av vær og føre samt det som skal innover. vi vil også frakte ein båt inn til same plassen. til denne jobben vil vi bruke leigekjørerar. det blir nok bruk for ihvertfall 2 turar, eventuelt 2 scootere 1 tur. håpar på possitivt svar!*

*for sjfl.  
pål eiesar*

Transporten vil gå frå Aursjoli til Leirungsvatnet. Ein kører da gjennom Ottadalen landskapsvernområde (LVO) og Reineheimen nasjonalpark (NP).

**Vurdering:**

Forvaltningsmynde kan gje løyve til transport av båt og innredning iht vernereglane:

Verneforskrifta for Reinheimen NP § 3 pkt. 6.3:

*Forvaltningsstyresmakta kan gje løyve til:*

*b) Bruk av beltegåande køyretøy på snødekt mark langs etablerte traséar eller lufttransport for nødvendig transport av ved, materialar eller varer til buer og hytter, utkøyring av båt.*

Verneforskrifta for Ottadalen LVO § 3 pkt. 5.3:

*Forvaltningsstyresmakta kan gje løyve til:*

**Postadresse**  
2690 Skjåk  
**E-post:** post@skjaak.kommune.no

**Heimeside**  
www.skjaak.kommune.no

**Telefon**  
61217000  
**Telefaks**  
61217001

**Bank**  
2085.07.40004  
**Org.nr**  
961381096

*b) Nødvendig transport av ved, materialar eller varer til buer og hytter, utkøyring av båt og nødvendig motorferdsel i samband med snømålingar o.l. på snødekt mark langs etablerte traséar eller ved lufttransport.*

Leigekøyrar med dispensasjon til ervervskøyring godkjent av kommunen kan nyttast til køyringa. Slik dispensasjon blir gjeve med heimel i nasjonal forskrift om bruk av motorkøyrerøy i utmark og på islagte vassdrag § 5a). I område med gode moglegheiter for leigekøyring skal leigekøyrar nyttast.

I følgje § 7 i Naturmangfaldslova skal søknaden vurderast etter dei miljørettslege prinsipp som går fram av Naturmangfaldlova § 8–12:

§ 8 - kunnskapsgrunnlaget: På bakgrunn av kunnskapsinnsamling i samband med verneplanprosessen for Reinheimen er kunnskapsgrunnlaget for området godt. Ruta som skal køyrast er ein av dei traséane som er skissert i forvaltningsplanen og har vore brukt ved fleire liknande transportoppdrag tidlegare. Ut frå denne kunnskapen er det ikkje sannsynleg at løyvet vil påverke naturmangfaldet i området.

§ 9 - føre-var prinsippet: Det er ikkje sannsynleg at tiltaka det her er søkt om vil medføre risiko for irreversibel skade på naturmangfaldet.

§ 10 - samla belastning for økosystemet: Området der transporten skal skje er viktige leveområde for villrein i Ottadalen året rundt. Motorferdsel her må derfor haldast på eit minimum. Samla belastning i området blir ikkje vurdert som skadeleg for økosystemet.

§ 11 – kostnader ved miljøskade: Blir vurdert som lite relevant når det gjeld denne søknaden.

§ 12 - miljøforsvarlege teknikkar, driftsmetodar og lokalisering: Transport på snødekt mark med snøscooter vurderast å vere miljøforsvarleg.

### **Vedtak:**

Skjåk kommune vedtek å gje Skjåk JFL løyve til transport av innredning og båt til naust ved Leirungsvatnet i Reinheimen nasjonalpark.

Løyvet blir gjeve med heimel i:

*Forskrift for Reinheimen NP § 3 pkt. 6.3. b)  
Forskrifta for Ottadalen LVO § 3 pkt. 5.3. b)*

### **Løyvet blir gjeve på følgjande vilkår:**

1. Det blir gjeve løyve til 2 turar. (Ynskjeleg med ein tur med to snøscooterar samstundes).
2. Det skal nyttast leigekøyrar.
2. Køyringa skal gå frå Aursjøli til Leirungsvatnet
3. Transporten skal mest mogleg fylgje same køyrespor tur-retur.
4. Køyringa skal gjennomførast innan 20. april 2013. Transporten bør ikkje skje i påska og helst ikkje i helg.
5. Motorferdsla skal meldast seinast dagen før til SNO (Per Olav Haugen tlf. 97057213), som vil gje melding om det må takast særlege omsyn i områda.
6. Det skal førast køyrebok, som skal fyllast ut på førehand og vere med køyretøyet under transporten. Kopi av køyrebok skal sendast forvaltningsmynde innan 5. juni 2013.
7. Det skal takast spesielt omsyn til villreinen under transporten. Om det er rein i planlagt køyrerute skal man vente til dyra har trekt unna, eller til ein kan køyre rundt dyra i en avstand på minimum 500 m på le side.

8. Køyeringa skal skje skånsamt med tanke på natur og miljø.

Løyvet avgrensar ikkje grunneigaren sin rett til å nekte ferdsel på eigen grunn. Det er søkjaren sitt ansvar å innhente dette.

*Vedtaket kan klagast til Direktoratet for naturforvaltning. Klaga skal sendast skriftleg til **Skjåk kommune**. Gje opplysning om vedtaket det blir klaga over, den eller dei endringane du ynskjer, og dei grunnane du vil leggje til grunn for klaga.*

*Klagefristen er 3 veker rekna frå den dagen brevet kom fram til adressaten. Klaga må vera postlagt innan fristens utløp. Dersom du klagar så seint at det kan vere tvil om du har klaga i rett tid, må du og opplyse når denne meldinga kom fram.*

Med helsing



Tor Taraldsrud  
Miljøvernkonsulent

Kopi til:

DN  
FM Oppland  
KUR  
Lesja kommune  
Lom kommune  
Norddal kommune

Rauma kommune  
Vågå kommune  
SNO-Skjåk  
SNO-Åndalsnes  
Skjåk Almenning